

Bohačesć Bjedrich Ponich

Z jeho žiwjenja

- 1761, 8. meje narodži so B. Bj. Ponich (Ehregott Friedrich Pannach) w Malešecach.
- nan – farar Pětr Ponich (1716–1785), spisar wotrězka wo serbskich cyrkwinskih stawiznach, biografijow fararjow a komentowaneje bibliografije hs. ew. ćišćow w »Kurzer Entwurf einer oberlausitz-wendischen Kirchengeschichte«.
- mać – dźowka Klukšanskeho fararja Kryšana Bjedricha Fabera, zběraćela serbskich knihow (Faberowa knihownja, darjena 1748 městu Budyšin).
- ~1780 studij teologije we Wittenbergu.
- 1783 člon tamnišeho Serbskeho předarskeho towarstwa; sobuawtor wotsalneje basnje za Michała Šoftu z Wojerec »*Wot wužitneho nałoženja teho časa*«.
- ~1784–1806 žiwy w Budyšinje jako kandidat duchownstwa. Prawdźepodobnje dźěla jako awkcionar. Přez nakup nimale wšěch do toho časa wušłych hs. a najzažnišich ds. ćišćow zhromadži najdospołnišu zběrku serbskich knihow 16.–18. lětstotka.
- 1796 zhotowi wotpisk rukopisneho přehlada swjeho bratra »*Von den Oberlausitzisch-wendischen Bibliotheken*«
- 1798 zemrě jeho bratr, Samuel Bohuwěr Ponich (*1748), kaž nan farar w Malešecach, wot 1794 člon Hornjołužiskeje towaršnosće wědomosćow a znaty jako awtor ludo-, přirodo- a popularnowědných pojednanjow w Lausitzisches Magazin.
- 1806 katechet a předar w Hóznicy.
- 1809 farar we Łuču. Korla Jan Smoler, nan J. A. Smolerja (*1816), je tu hač do 1821 z wučerjom.
- zestaja rukopisnu serbsku bibliografiju, wudospołnjejo zapis swjeho nana
- zhotowi wotpiski njećišćanych manuskriptow swjeho bratra wudospołnja cyrkwinsko-stawizniske přehłady swjeho nana wotpisa serbsko-němski słownik J. F. G. Schmutza tak čisće, zo »móže so z lóchkosću wužiwać« (doda na kromje serbske přisłowa)
- 1826, 1. měrca zemrě we Łuču